

საქართველოს მთავრობის

დადგენილება №9

2014 წლის 3 იანვარი

ქ.თბილისი

ტექნიკური რეგლამენტის - „ცხოველთა ხორცის დადამღვის წესის“ დამტკიცების შესახებ **მუხლი 1**

პროდუქტის უსაფრთხოებისა და თავისუფალი მიმოქცევის კოდექსის 58-ე მუხლის მე-2 ნაწილის, 103-ე მუხლის პირველი, მე-5 ნაწილების, 104-ე მუხლის მე-2 ნაწილისა და „ნორმატიული აქტების შესახებ“ საქართველოს კანონის მე-12 მუხლის შესაბამისად, დამტკიცდეს თანდართული ტექნიკური რეგლამენტი - „ცხოველთა ხორცის დადამღვის წესი“.

მუხლი 2

„ნორმატიული აქტების შესახებ“ საქართველოს კანონის 25-ე მუხლის შესაბამისად, ძალადაკარგულად გამოცხადდეს „ცხოველთა ხორცის დადამღვის წესის“ დამტკიცების შესახებ საქართველოს სოფლის მეურნეობის მინისტრის 2005 წლის 7 სექტემბრის N2-204 ბრძანება.

მუხლი 3

დადგენილება ამოქმედდეს 2014 წლის პირველი იანვრიდან.

პრემიერ-მინისტრი

ირაკლი ღარიბაშვილი



ტექნიკური რეგლამენტი

ცხოველთა ხორცის დადამღვის წესი

მუხლი 1. ზოგადი დებულებები

1. ყველა სახის სასოფლო-სამეურნეო ცხოველების ხორცი და ხორცპროდუქტები (სუბპროდუქტი), მათ შორის ფრინველის, ექვემდებარება სავალდებულო დადამღვას ვეტერინარული დამღებითა და შტამპებით წინამდებარე წესის მოთხოვნების შესაბამისად.

2. ოვალური ფორმის დამღით ხორცისა და ხორცპროდუქტების დადამღვას აწარმოებს ვეტერინარი ექიმი, რომელიც იმყოფება შესაბამისი ვეტერინარული სამსახურის (ლაბორატორიის) შტატში, გაიარა კვალიფიკაცია ვეტერინარულ-სანიტარიული ექსპერტიზის პრაქტიკულ და თეორიულ საკითხებზე და მიღებული აქვს შესაბამისი სერტიფიკატი. სერტიფიკატის არმქონე ვეტერინარ სპეციალისტებს უფლება აქვთ გამოიყენონ დამლა “წინასწარი შემოწმება”.

3. ვეტერინარულ დამღასა და შტამპს ამზადებენ დადგენილი წესით, მუნიციპალიტეტის შესაბამის ვეტერინართან შეთანხმებით, ბრინჯაოსაგან ან სხვა უჟანგავი მეტალისაგან დადგენილი ფორმით და ზომით, ღრმად ამოჭრილი არშეიქ, ციფრებითა და ასოებით, რათა მკაფიოდ ეტყობოდეს ანაბეჭდი ხორცის ზედაპირზე.

4. ხორცის დადამღვის უფლება აქვთ მხოლოდ შესაბამისი უფლების მქონე ვეტერინარ ექიმებს. ხორცის დადამღვა ხდება მხოლოდ ვეტერინარულ-სანიტარიული ექსპერტიზის ჩატარების შემდეგ.

5. დამლა ინახება ვეტერინარ ექიმთან, რომელსაც მიღებული აქვს ხორცის დადამღვის უფლება.

6. ხორცის დასადამღად გამოიყენება საღებავი, რომელიც ნებადართულია ჯანდაცვის ორგანოების მიერ.

მუხლი 2. ვეტერინარული დამღები და ვეტერინარული შტამპები

1. ხორცის დასადამღად დადგენილია ვეტერინარული დამღები და შტამპები ხორცის საკვებად ვარგისიანობის მიხედვით ამ წესის №1 დანართში წარმოდგენილი აღწერილობის შესაბამისად.

2. ოვალური ფორმის ვეტერინარულ დამღას ცენტრში აქვს სამი წყვილი ციფრი, მათგან პირველი ნიშნავს მხარის, რიგით ნომერს; მეორე – მუნიციპალიტეტის (ქალაქის) რიგით ნომერს; მესამე – ვეტერინარი ექიმის პირად ნომერს. დამღის ზედა ნაწილში აღნიშნულია ქვეყნის დასახელება, ხოლო ქვედაში “ვეტსანზედამხედველობა”. ოვალური ვეტერინარული დამლა ადასტურებს, რომ ხორცისა და ხორცპროდუქტების ვეტერინარულ-სანიტარიული ექსპერტიზა ჩატარებულია სრული მოცულობით და პროდუქტი გაიშვება საკვები მიზნით შეუზღუდავად. ხორცს, რომელიც ექვემდებარება გაუვნებლობას, ედება მხოლოდ ვეტერინარული შტამპი, რომელიც უჩვენებს ხორცის გამოყენების წესს მოქმედი ვეტერინარულ-სანიტარიული ან სანიტარიულ-ჰიგიენური ნორმებისა და წესების თანახმად.

3. სწორკუთხოვანი ფორმის ვეტერინარულ დამღას ზევით აქვს წარწერა “ვეტსამსახური”, ცენტრში – “წინასწარი შემოწმება”, ხოლო ქვევით სამი წყვილი ციფრი: პირველი აღნიშნავს მხარის, რიგით ნომერს; მეორე – მუნიციპალიტეტის (ქალაქის) რიგით ნომერს და მესამე – ვეტერინარი ექიმის პირად ნომერს. სწორკუთხოვანი დამლა “წინასწარი შემოწმება” ადასტურებს, რომ ხორცი მიღებულია საკლავი ცხოველებიდან, რომლებმაც გაიარა დაკვლისწინა და დაკვლისშემდგომი შემოწმება (ცხენები სიცოცხლეში გამოკვლეულია ქოთაოზე) და დაკლულია მეურნეობაში, რომელიც კეთილსაიმედოა საკარანტიზო სნეულებებზე, მაგრამ ეს დაბეჭდვა არ იძლევა ხორცის რეალიზაციის უფლებას ვეტსანექსპერტიზის სრული მოცულობით ჩატარების

გარეშე.

4. სწორკუთხოვანი ფორმის ვეტერინარულ შტამპს ზევიდან აქვს წარწერა “ვეტსამსახური”, ცენტრში აღნიშნულია გაუვნებლობის სახე “მოხარშვა”, “მოხარშული მეხვისათვის”, ხორცის პური”, “კონსერვი”, “გადასადნობად” (ცხიმი, შპიგი), “თურქული”, “ფინოზი”, “ტუბერკულოზი”, “უტილი”, ქვევით აქვს სამი წყვილი ციფრი: პირველი აღნიშნავს მხარის, რიგით ნომერს; მეორე – მუნიციპალიტეტის (ქალაქის) რიგით ნომერს და მესამე – ვეტერინარი ექიმის პირად ნომერს.

5. სწორკუთხოვანი ფორმის დამატებით შტამპს ცენტრში აქვს ცხოველის სახეობის აღმნიშვნელი წარწერა „ცხენის“, „ირემის“, „დათვის“ და ა.შ.

6. სუბპროდუქტების, ბოცვერისა და ფრინველის ხორცის დასაბეჭდად იყენებენ ოვალური ფორმის ვეტერინარულ დამდას, როგორც ნაჩვენებია ამ წესის მე-2 მუხლის მე-2 პუნქტში, მაგრამ მცირე ზომისას. ხორცისა და ფრინველკომბინატებში, მეფრინველეობის ფაბრიკებში შეიძლება გამოვიყენოთ ელექტროდამდა არშიის გარეშე ციფრით 1 ან 2 (კატეგორიების შესაბამისად), რომელიც ედება ფრინველის კანჭის გარეთა ზედაპირზე. ფრინველის ტანხორცის პოლიმერულ პაკეტში შეფუთვისას მარკირება ხდება ხორცის სახისა და კატეგორიის ჩვენებით, მხოლოდ ტიპოგრაფიული მეთოდით.

7. ვეტერინარულ დამღებსა და შტამპებზე ციფრების პირველ წყვილს მიაკუთვნებს შესაბამისი უფლებამოსილების მქონე ვეტერინარი. ციფრის მეორე წყვილს აკუთვნებს მხარის, შესაბამისი ვეტერინარი, ციფრის მესამე წყვილს აკუთვნებს მუნიციპალიტეტის (ქალაქის) შესაბამისი ვეტერინარი.

მუხლი 3. ხორცისა და ხორცპროდუქტების დადამღვის (ნიშანდების) წესი

1. ყველა სახის ცხოველის ხორცზე ვეტერინარული დამღის ან შტამპის ანაბეჭდის დადება ხდება შემდეგნაირად:

- ა) ტანხორცებსა და ნახევარტანხორცებზე – თითო-თითო ყოველ ბეჭსა და ბარდაყზე;
- ბ) ტანხორცის ყოველ მეოთხედზე, შპიგის ნაჭრებზე – ერთი დამდა;
- გ) თავზე, გულზე, ენაზე, ფილტვებზე, ღვიძლზე; თირკმელზე – თითო დამდა (სავალდებულოა აგრარული ბაზრისა და ბაზრობის ვეტერინარულ-სანიტარიული ზედამხედველობის სამსახურისათვის (ლაბორატორიისათვის);
- დ) ბოცვერისა და ნუტრიის ტანხორცზე ედება ორი დამდა; თითო-თითო ბეჭზე და ბარდაყზე გარეთა მხრიდან (ანალოგიურად აწარმოებენ გარეული ფრინველის ხორცის დაბეჭდვას);
- ე) ხორცკომბინატში, მეფრინველეობის კომბინატსა და ფაბრიკაში ედება ელექტროდამდა კანჭის გარეთა ზედაპირზე; წიწილების, ქათმის, იხვის ჭუკის, ციცარის ტანხორცზე – ერთ ფეხზე; იხვის, ბატის, ინდაურის ჭუკის, ინდაურის – ორივე ფეხზე. ფრინველის ტანხორცზე, რომელიც ექვემდებარება საწარმოო გადამუშავებას ელექტროდამდა “სგ” ედება ზურგის მიდამოში;
- ვ) ცხენის, ირმის, დათვის, ვირის, ჯორის ხორცი, რომელმაც გაიარა ვეტსანექსპერტიზა, იბეჭდება ვეტერინარული დამღით და გვერდით ედება დამატებითი შტამპი წინამდებარე წესის მე-2 მუხლის მე-5 პუნქტის შესაბამისად;
- ზ) ცხიმ-ნედლეულზე დამდას არ ადებენ, აწებებენ რამდენიმე ეტიკეტს ვეტერინარული დამღის ანაბეჭდით.

2. ცხოველის ხორცი და სუბპროდუქტი, რომელიც მიღებულია იმ პირობებში, როცა გამორიცხულია სრული ვეტერინარულ-სანიტარიული გამოკვლევების ჩამონათვალის ჩატარება, იბეჭდება სწორკუთხოვანი ფორმის დამღით “წინასწარი შემოწმება” და იგზავნება ერთ-ერთი ხორცის გადამამუშავებელი საწარმოს ვეტერინარულ-სანიტარიული ზედამხედველობის სამსახურში ან შესაბამის ლაბორატორიაში სრული მოცულობით ვეტსანექსპერტიზის ჩასატარებლად.

3. ხორცი და სუბპროდუქტი, რომელიც ექვემდებარება გამოშვებას მხოლოდ გაუვნებლობის შემდეგ და იგზავნება გადამამუშავებლად მეხვისა და სხვა ნაწარმისათვის, იდამღება მხოლოდ

ვეტერინარული შტამპით, რომელიც აღნიშნავს გაუვნებლობის მეთოდს ან დიაგნოზს. ამ შემთხვევაში ოვალური ფორმის დამლა არ ედება.

4. კერატის ხორცზე ვეტერინარული დამლის გარდა ედება შტამპი “კერატი სგ” (ასოები – “სგ” აღნიშნავს საწარმოო გადამამუშავებას).

5. ფრინველის ტანხორცს, რომელიც მოთავსებულია ტარაში და ექვემდებარება გაუვნებლობას, აკრავენ რამდენიმე ეტიკეტს ვეტერინარული შტამპის ანაბეჭდით ხორცისა და ხორცპროდუქტების გაუვნებლობის მეთოდების თანახმად – “მოხარშვა”, “კონსერვისათვის” და სხვა.

6. ყველა სახის ცხოველის ტანხორცი (ფრინველისა და ბოცვერის ჩათვლით), რომელიც ვეტერინარულ-სანიტარიული ექსპერტიზის შედეგებით ჩაითვლება საკვებად უვარგისად, იდამდება ვეტერინარული შტამპის 3-4 ანაბეჭდით წარწერით “უტილი”.

7. ხორცი, რომელსაც შეეცვალა თავისი ვეტერინარულ-სანიტარიული თვისებები შენახვის პირობების დარღვევის ან ტრანსპორტირების გამო, ექვემდებარება განმეორებით ვეტერინარულ-სანიტარიულ ექსპერტიზას და გადადამღვას შტამპების დასმით წინამდებარე წესის მე-2 მუხლის მე-4 პუნქტისა და მე-3 მუხლის პირველი პუნქტის შესაბამისად ძველი ოვალური ფორმის დამლის ანაბეჭდის წინსაწარი მოცილებით.

მუხლი 4. ცხოველთა ხორცის დადამღვის წესის შესრულებაზე კონტროლი და პასუხისმგებლობა

1. სპეციალისტი-ვეტერინარი, რომელსაც მიღებული აქვს ხორცის დადამღვის უფლება, პასუხს აგებს დადგენილი წესით ხორცის ვეტერინარულ-სანიტარიულ შეფასებაზე.

2. პასუხისმგებლობა ცხოველთა ხორცის დადამღვის წესის შესრულებაზე ეკისრებათ მეურნეობების, საწარმოების და ორგანიზაციების ხელმძღვანელებს, მაცივრის, მაცივარკომბინატის და სატრანსპორტო სამსახურებს, აგრეთვე საქონლის მეპატრონეს, რომლებიც ახორციელებენ ცხოველების დაკვლას და დაკვლის პროდუქტების გადამამუშავებას.

3. წინამდებარე წესის მოთხოვნები სავალდებულოა შესასრულებლად ყველა სპეციალისტი-ვეტერინარისათვის, ცხოველთა და ფრინველის გადამამუშავებელი საწარმოებისათვის, ბაზრების და მაცივრებისათვის საკუთრების ფორმის მიუხედავად, ყველა სამინისტროსა და უწყებისათვის გამონაკლისის გარეშე, აგრეთვე მოქალაქეებისათვის.


4. სავაჭრო საწარმოებსა და საზოგადოებრივი კვების ობიექტებს უწყებრივი დაქვემდებარებისა და საკუთრების ფორმის მიუხედავად ნება ეძლევათ მიიღონ, გადაამუშაონ და გაყინონ ხორცი ტანხორცების, ნახევარტანხორცების, მეოთხედების სახით მხოლოდ იმ შემთხვევაში, თუ აქვს ოვალური ფორმის ვეტერინარული დამლა და თანმხლები ვეტერინარული მოწმობა (სერტიფიკატი).

5. ცხოველთა ხორცის დადამღვის წესის შესრულებაზე კონტროლი ევალებათ შესაბამის უფლებამოსილ ორგანოებს.

ცხოველთა ხორცის დადამღვის წესის დანართი

ხორცისა და ხორცპროდუქტების (სუბპროდუქტების) ვეტერინარული დამლებისა და შტამპების ნიმუშები

1. ოვალური ფორმის დამლა




ზომა: 40X60

არშიის სიგანე – 1,5 მმ

ასოების სიგანე – 6 მმ

ციფრების სიმაღლე – 12 მმ

2. ოვალური ფორმის დამლა (მცირე ზომის) ბოცვერის, ფრინველის და ნუტრიის ხორცის დასაბეჭდად.



ზომა: 25X40

არშიის სიგანე – 1 მმ

ასოების სიგანე - 3 მმ

ციფრების სიმაღლე - 6 მმ

3. სწორკუთხოვანი ფორმის დამლა

ვეტსამსახური
წინასწარი შემოწმება
17-09-37

ზომა: 40X60

არშიის სიგანე – 1,5 მმ

ასოების სიგანე - 7 მმ

ციფრების სიმაღლე - 12მმ

4. ვეტერინარული შტამპები

ვეტსამსახური
ფინოზი
15-06-42

ვეტსამსახური
მოხარშვა
09-06-41

ვეტსამსახური
ტუბერკულოზი
01-02-03

ვეტსამსახური
საკონსერვოდ
02-03-04

ვეტსამსახური
ხორცის პურად
03-04-05

ვეტსამსახური
უტილი
04-05-06

ზომები 40X70მმ; არშიის სიგანე – 1,5 მმ; ასოების და ციფრების სიმაღლე 7მმ;

5. დამატებითი შტამპები

ცხენის ხორცი

დათვის ხორცი

კერატი – სგ

ორმის ხორცი

ზომები: 20X50 მმ

არშიის სიგანე – 1,5 მმ

ასოების სიმაღლე – 7 მმ

6. ელექტროდამლა ფრინველის ტანხორცისათვის, ფრინველკომბინატში, მეფრინველეობის ფაბრიკაში.

დამღის, ციფრის სიმაღლე – 20 მმ